

Fouxlaz Yauzcuz

□ Godoq comz hoiz



▲ Vunz Yauzcuz diuq foux-laz angq gvaq ciengmoq.

▲ Diuq fouxlaz sim' angq raixcaix.

◀ Fouxlaz yienj hwnj gwnz daizheiq.



▲ Mehmbwk diuq foux roq gyong hix rengzrd.



▲ Saimbwk song boux caemh diuq.



▲ Aen gyongnaeng hung daiqlingx.



▲ Gyoengq nyez yawj ndaej maez.

Fouxlaz cienzlah youq Denzdungh Yen Cozdwngh Yauzcuz Yangh Meizlinz、Bingzloz daengj cunh, dwg ndaw Denzdungh Yen cungj cozbij daibyauj foux ndaw-biengz Bunujyauz ndeu.

Fouxlaz Yauzcuz dwg cungj foux ndawbiengz cojcienz ndeu, youz Denzdungh Yen Cozdwngh Yauzcuz Yangh gyoengqvunz Bunujyauz cau'ok, mboengq hainduj dandan yungh daej guh hozdung ndawbiengz gyo' mbaiq fangzbaed、dajcaeq、cawz fangzrwix daengj, daengzlaeng hwnghat le bienqbaenz cungj fouxdaez angqhoh ciet ciengmoq、dajndaem ndaejsou lai. Moix bi ndwencieng caeuq liggaueq ngux nyied ngeihgouj, singlaz couh yiengj doh mbanj Yauzcuz, vunz lai haenq ciengq angq

diuq mbouj daengx.

Diuq fouxlaz seizhaenx, vunz lai couh youq giz guh hozdung daz geu gaeu ndeu roxnaeuz diuz cag ndeu, roix aenlaz le venj hwnjdaej, rox-naeuz venj aenlaz coq gwnz gyaq-faexcuk roxnaeuz gwnz ngafaex, aeu aenlaz liz gwnz namh mij haj baedauq, cungj aeu mbouj gaz diuqfoux cij ndei.

Doenghgiy ningdoengh cungj foux neix daj swnghcanj swnghhoz Yauzcuz ndawde hwnghat daej. Vunz Yauzcuz daihbouhaenh youq ndaw rungh byasang youq, neix youq diegbya swnghhoz、guh hong nanz le couh gag baenz di ningdoengh gvenq ndeu. Lumj youq gwnz roenbya ngutngeuj lingqlangq haenx byaij roen seiz, din deng yamq sang,

byaidin yunghrengz, vanzlij niuj hwet caemhcaiq suk aek daengj. Gij sibgvenq neix, cungj miz youq gij ningdoengh ndaw foux lumj "vengh ga roq gyong" "song faex gvaq gyauej" "song faex roq dauqlaeng" "vaiq cienq diemj laz" daengj. Fouxlaz yienjok le gij gyauejrieng swnghcanj、swnghhoz、cingzgamj vunz Yauzcuz.

Fouxlaz aeu fouxvunz lai guh-daeuz, itbuen miz sam、haj boux, hix ndaej miz geij bak roxnaeuz baenz cien boux, ciengzmienh hung-hoengh, bouxhumxyawj hix fwngz vad din diuq, hawj vunz raen daengz gij rengzhaenq sengmingh caeuq gyaundeis yisuz.

Vunz dangdieg gyaenz fouxlaz raixcaix, youq diegmizok Meizlinz Cunh, mbwkmwbk saisai gegqeq cozcuz cungj rox diuq, neix dwg cungj vwnzva diegbya Yauzcuz, hix engqgya dwg cungj cezmuz foux ndawbiengz vunz Denzdungh gyaenz-maij ndeu. Seizneix, fouxlaz gaenq dwg cungj cezmuz Denzdungh Yen guh hozdung hung cungj aeu yienj haenx.

2014 nienz 11 nyied 11 hauh, fouxlaz Yauzcuz ginggvaq Gozvuyen baecinj, ndaej lied haeuj daihseiq buek guekgya gaep feihvuzciz vwnzva yizcanj mingzloeg.



▲ Yanghsi daej ingjgoep fouxlaz.



▲ Vengh ga roq gyong.



▲ Gij ningdoengh "vaiq cienq diemj laz" gagdog dangqmaz.



▲ Siujhagseng doxdax diuq fouxlaz.